


李賀歌詩集序

大和五年十月半夜時舍外有疾呼傳緘書者收
曰必有異亟取火來及發之果集賢學士沈公子明
書一通曰我凶友李賀元和中義愛甚厚日夕相與
起居飲會賀且死嘗授我平生所著歌詩離一作雜爲四
編凡二百二十三首數年來東鹵南北良爲已失去今
夕醉解不復得寐卽開理篋帙忽得賀詩肯所授我
者思理往事凡與賀話言嬉遊一處所一物候一日
一夕一觴一飯顯顯然駢無有忘棄者不覺出涕賀
復無家室子弟得呂給養郵問常恨想其人味評其
言止矣子厚於我與我爲賀集序盡道其所來錄亦
少解我意收其夕不果呂書道不可明日就公謝且



曰世謂一作賀才絕出肯讓居數日牧溪惟公曰公於詩爲深妙奇博且復盡知賀之得失短長今實叙賀不讓必不能當公意如何復就謝極簡所不設叙賀公曰子固若是是當慢我牧因不設復辭勉爲賀叙然其甚慙唐皇諸孫賀字長吉元和中韓吏部亦頗湔其歌詩雲煙綿聯不足爲其態也水之迢迢不足爲其情也春之盎盎不足爲其和也秋之明潔不足爲其格也風檣陣馬不足爲其勇也瓦棺篆鼎不足爲其古也時花美女不足爲其色也荒國侈殿梗莽丘隴不足爲其恨怨悲愁也鯨喙鼉擲牛鬼蛇神不足爲其虛荒誕幻也蓋騷之苗裔理雖不及辭或過之騷有感怨刺懟言及君臣理亂時有呂激發人意

乃賀所爲無得有是賀一作探尋前事所一作深歎恨古今未嘗經簡者如金銅仙人辭漢歌補梁庾肩吾宮體謠求取情狀離絕遠去筆墨畦逕間亦殊不能知之賀生二十七季歿矣世皆曰使賀且未歿少加一作呂理僕奴命騷可也賀歿後凡十有某一作季京地杜牧爲其序

歌詩編目錄

卷第一

李憑箏篋引

殘絲曲

還自會稽歌

并序

出城寄權璩楊敬之

示弟

竹

同沈駙馬賤得御溝水

始爲奉禮憶昌谷山居

七夕

過華清宮

送沈亞之歌 并序

詠懷二首

追和柳惲

春坊正字劍子歌

貴公子夜闌曲

雁門太守行

大堤曲

蜀國絃

蘇小小歌

夢天

唐兒歌

綠章封事

河南府試十二月樂辭十三首 并閏月

天上謠

浩歌

秋來

帝子歌

秦王飲酒

洛姝真珠

李夫人

走馬引

湘妃

南園十三首

第二卷

金銅仙人辭漢歌 并序

古悠悠行

黃頭郎

馬詩二十三首

申胡子觴策歌 并序

老夫採玉歌

傷心行

湖中曲

黃家洞

屏蜃曲

南山田中行

貴主征行樂

酒罷張大撤索贈時張初効潞幕

羅浮山父 一作人 与葛篇

仁和里雜叙皇甫湜

宮娃歌

堂堂

勉愛行二首送小季之廬山

致酒行

長歌續短歌

公莫舞歌 并序

昌谷北園新筍四首

惱公

感諷五首

三月過行宮

第三卷

追和何謝銅雀妓

送秦光祿北征

酬答二首

畫角東城

謝秀才
有妾編練改從吟人秀才引畱之不得後生感憶座人製詩嘲謝賀復繼四首

昌谷讀書示巴童

巴童答

代崔家送客

出城

莫種樹

將叢

追賦畫江潭苑四首

潞州張大宅病酒遇江使寄上十四兄

難忘曲

賈公閣貴壻曲

夜飲朝眠曲

王濟墓下作

客遊

崇義里滯雨

馮小憐

贈陳商

NTR

圖書

圖書

國家圖書館, NATIONAL CENTRAL LIBRARY, TAIWAN, R.O.C.

釣魚詩

奉和二兄罷使遣馬歸延州

答贈

題趙生壁

感春

仙人

河陽歌

花遊曲 并序

春書

安樂宮

胡蝶飛

梁公子

牡丹種曲

後園鑿井

開愁歌

秦宮詩 并序

古鄴城童子謠 劾王粲刺曹操

楊生青花紫石硯歌

房中息

石城曉

苦晝短

章和二季中

春歸昌谷

昌谷詩

銅駝悲

自昌谷到洛後門

七月一日曉入太行山

秋涼詩寄正字十二兄

第四卷

艾如張

上雲樂

摩多樓子

猛廂行

日出行

苦篁調笑引

拂舞歌詞

疲坐吟

箜篌引

巫山高

平城下

江南弄

榮華樂

相勸酒

瑤華樂

北中寒

梁臺古愁

公無渡河

神弦別曲

哥言
金
綠水辭

沙路曲

上之回

高軒過

貝宮夫人

蘭香神女廟

送韋仁實兄弟入關

洛陽城外別皇甫湜

溪晚涼

宮不來顯皇甫湜先輩廳

長平箭頭歌

江樓曲

塞下曲

淅綠上春機

五粒小松歌

并序

塘上行

呂將軍歌

休洗紅

神絃曲

野歌

神絃

將進酒

美人梳頭歌

月漉漉篇

京城

官街鼓

許公子鄭姬歌

新夏歌

顯歸夢

經沙苑

出城別張又新酬李漢

歌詩編目錄終

歌詩編第一

李憑箏篋引

隴卣李賀

吳絲蜀琴張高繩空白一作凝雲頽不流江娥唬竹素
女愁李憑中國彈箏篋岷山玉碎鳳皇叫芙蓉泣露
香蘭笑十二門肯融冷光二十三絲動紫皇女媧鍊
石補天處石破天驚逗繩雨夢入神山教神姬老奩
跂波瘦蛟舞吳質不眠倚桂樹露脚斜飛溼寒兔

殘絲曲

筍楊葉老鶯哺兒殘絲欲斷黃蠶歸綠鬢少季一作少年金
釵客縹粉壺中沉琥珀花臺欲算春辭太落花起作
迴蜃舞榆莢相催不知數沈郎青錢夾城路

還自會稽歌

并序

庾肩吾於梁時嘗作宮體謠引呂應和皇子及國世
淪敗肩吾先潛難會稽後始還家僕意其必有遺文
今無得焉故作還自會稽歌呂補其悲

野粉擘髻黃溼螢滿梁殿臺城應教人
龜衾夢銅輦吳霜點鬢鬢身與塘蒲晚
脈脈辭金奩羈臣守連賤

出城寄權璩楊敬之

艸暖雲昏萬里春宮花拂面送行人
自言漢劍當飛太何事還車載病身

示弟

別第三季後還家一作日餘醪醺今夕酒
綰帙太時書病骨猶一作獨能
在人間底事無何須問牛馬拋擲任梟盧

竹

入水文光動抽空綠影春露華生筍
逕苔色拂霜根織可承香汗裁堪釣
錦鱗三梁曾入用一節奉王孫

同沈駙馬賦得御溝水

入苑白泱泱宮人正豔黃
遶堤龍骨冷拂岬鴨頭香別館驚殘夢
停楫汎小觴幸因流浪處暫得見何郎
始為奉禮憶昌谷山居

埽斷馬蹄痕衙廻一作回自閉門長槍一作鎗
江米熟小樹棗花春向薜懸如意當
簾閣角巾犬書曾太洛鶴病悔遊秦土
甌封茶葉山楮鑲竹根不知船上月誰
擢滿溪雲

七夕

別浦今朝暗羅帷
午夜愁鶴辭
穿線月花入
曝衣樓
天上分金鏡
人間望玉鈞
錢塘蘇小小
夏值一季秋

過華清宮

春月夜唳鷓鴣宮
簾隔御花雲
生朱絡暗石
斷紫錢斜
玉椀盛殘露
銀鐙點舊紗
蜀王無近信
泉上有芹芽

送沈亞之歌

并序

文人沈亞之
元和七季
呂書不中第
返歸於吳江
吾悲其行無錢
酒呂勞又感沈之勤
請乃歌一解呂勞之

吳興才人怨春風
桃花滿陌千里紅
紫綵竹斷驄馬
小家住錢塘
東復東
白藤交穿織書笈
短策齊栽如
梵夾雄光寶礦獻
春卿
爐底鷲波乘一葉
春卿拾材

白日下擲置黃金
解龍馬攜笈歸江
重入門勞勞誰
是憐君者
吾聞壯夫重心骨
古人三走無摧挫
請君待且一作且事長鞭
他日還轅及秋律

詠懷二首

長卿懷茂陵
綠艸垂石井
彈琴看文君
春風吹鬢影
梁王与孟帝
棄之如斷梗
唯畱一簡書
金泥太山頂
日夕著一作看書罷
驚霜落素絲
鏡中聊自笑
詎是南山期
頭上無幅巾
苦蘂已深衣
不見清溪魚
飲水得自宜

追和柳惲

汀洲白蘋艸
柳惲乘馬歸
江頭櫬一作櫬樹香
岬上胡蝶飛
酒榼箬葉露
玉軫蜀桐虛
朱樓通水陌
沙暖一雙魚

春坊正字劍子歌

先輩匣中三尺水曾入吳潭斬龍子隙月斜明刮露
寒練帶平鋪吹不起蛟胎皮老疾藜刺鷓鴣萍花白
鷗尾直是荆軻一片心莫教照見春坊字按絲團金
懸麗毳神光欲截藍田玉提出鹵方白帝驚嗷嗷鬼
母秋郊哭

貴公子夜闌曲

裏裏沉水煙烏曉夜闌景曲沼芙蓉波骨圍白玉冷

雁門太守行

黑雲壓城城欲摧甲光向月金鱗開角聲滿天秋色
裏塞土燕脂凝夜紫半卷紅旗臨易水霜重鼓寒聲
不起報君黃金臺上意提攜玉龍爲君歿

大堤曲

妾家住橫塘紅紗滿桂香青雲教綰頭上髻明月與
作耳邊璫蓮風起江畔春大堤上畱北人郎食鯉魚
尾妾食猩猩脣莫指襄陽衙綠浦歸帆少今日菖蒲
花明朝楓樹老

蜀國絃

楓香晚花靜錦水南山影鷲石墜猿哀竹雲愁半額
涼月生秋浦玉沙粼粼光誰家紅淚客不忍過瞿塘

蘇小小歌

幽蘭露如曉眼無物結同心煙花不堪翦艸如茵松
如蓋風爲裳水爲珮油辟車久相待冷翠燭勞光彩
鹵陵下音戶風吹雨

夢天

老兔寒蟾泣天色雲樓半開壁斜白玉輪軋露溼團
光鸞珮相逢桂香陌黃塵一作鹿清水三山下更變千季
如走馬遙望齊州九點煙一泓海水杯中瀉

唐兒歌

杜謫公之子

頭玉硤硤眉刷翠杜郎生得真男子骨重神寒天廟
器一雙瞳人翦秋水竹馬梢梢搖綠尾銀鸞睽光踏
半臂東家嬌孌求對值濃笑畫一作書空作唐字眼大心
雄知所呂莫忘作歌人姓李

綠章封事

為吳道士夜醮作

青霓扣額呼宮神鴻龍玉狗開天門石榴花叢滿溪
津溪漢作女洗花深白雲綠章封事諮元父六街馬蹶
浩無主虛空風氣不清冷短衣小冠作塵土金家香

街千輪鳴揚雄秋室無俗聲願攜漢戟招書鬼休令
恨骨填蒿里

河南府試十二月樂辭

并閏月

正月

上樓迎春新春躋暗香著柳宮漏遲薄薄淡靄弄野
姿寒綠幽屈生短絲錦牀曉臥玉肌冷露臉未開對
朝暝官街柳帶不堪折早晚菖蒲勝綰結

二月

飲酒採桑津宜男艸生蘭笑人蒲如交劍風如薰勞
勞胡一作鷲鷲驚怨酣春薇帳逗煙生綠塵金翅裁髻愁莫
雲沓颭起舞真珠裊津頭送別唱流水酒客背寒南

山歿

三月

東方風來滿眼春花城柳暗愁幾一作殺人複宮深殿一作疑
竹風起新翠舞衿淨如水光風轉蕙百餘里暖霧驅
雲撲天地軍裝宮妓掃蛾淺搖搖錦旗夾城暖曲水
漂香太不歸梨花落盡成秋苑

四月

曉涼莫涼樹如蓋千山濃綠生雲外依微香雨青氛
氳膩葉蟠花照曲門金塘閔水搖碧漪老景沉重無
鷺飛隨紅殘萼暗參差

五月

雕玉押簾上輕縠籠虛門井汲鉛華水扇織鴛鴦文
迴雪舞涼殿甘露洗空綠羅袖從徊翔香汗霑寶粟

六月

栽生羅伐湘竹帔拂疎霜篔簹秋玉炎炎紅鏡東方開
暈如車輪上裘徊啾啾赤帝騎龍來

七月

星依雲清冷露滴盤中圓好花生木末衰蕙愁空園
夜天如玉砌池葉極青錢僅獸舞衫薄稍知花篔簹寒
曉風何拂拂北斗光闌干

八月

孀妾怨長夜獨客夢歸家傷欄蟲緝絲向壁鐙垂花
欄外月光吐簾中一作內樹影斜悠悠飛露姿點綴池中荷

九月

離宮散螢天侶水竹黃池冷芙蓉歿月綴金鋪光脈

脈涼苑虛庭空澹白霜花飛風艸艸翠錦爛斑滿
層道雞人罷唱曉瓏瓏鷓鴣嗚金井下疎桐霜一作露

十月

玉壺銀箭稍難傾缸花夜笑疑幽明碎霜斜舞上羅
幕燭龍兩行斃飛閣珠帷怨臥不成眠金鷲刺衣著
體寒長眉對月鬪鸞鸞一作鸞環

十一月

宮城團迴凜嚴光白天碎碎隨瓊芳過鐘高飲千日
酒卻天一作戰凝寒作君壽御溝泉合如環素火井溫泉
在何處

十二月

日脚澹光紅灑灑薄霜不銷桂枝下依稀和氣排冬

嚴已就長日辭長夜

閏月

帝重光一作年重時七十二候迴環推天官一作宮瑄一作衛瑄一作灰

剡飛今歲何長來歲遲王母移桃獻天子羲氏和氏

迂一作遷龍轡

天上謠

天河夜轉漂迴星銀浦流雲學水敲玉宮桂樹花未
落仙妾采香絜珮纓秦妃卷簾北牕曉牕前植桐青
鸞小王子吹笙鸞管長呼龍畊煙種瑤艸粉霞紅綬
藕絲裊青洲步拾蘭茗春東指羲和能走馬海塵新
生石山下

浩歌

南風吹山作平地帝遣天吳移海水王母桃花千遍
紅彭祖巫咸幾迴歿青毛驄馬參差錢嬌春楊柳含
細煙箏人勸我金屈卮神血未凝身問誰不須浪飲
丁都護世上英雄本無主買絲繡作平原君有酒唯
澆趙州土漏催水咽玉蟾蜍衛娘髮薄不勝梳看見
鬣眉換新綠二十男兒那刺促

龜來

桐風驚心壯士苦衰鎧絡緯啼寒素誰看青簡一編
書不遣花蟲粉空蝨思牽今夜腸應直雨冷香魂弔
書客秋墳鬼唱鮑家詩恨五千季土中碧

帝子歌

洞庭明月一千里涼風雁唳天在水九節菖蒲石上

死湘神彈琴迎帝子山頭老桂吹古香雌龍怨吟寒
水光沙浦走魚白石郎閒取真珠擲龍堂

明月一作帝子

秦王飲酒

秦王騎虎遊八極劍光照空天自碧羲和敲日玻璃
敲劫灰飛盡古今平龍頭瀉酒邀酒星金槽琵琶疲
棖棖洞庭雨脚來吹笙酒酣喝月使倒行銀雲櫛櫛
瑤殿明宮門掌事報一更花樓玉鳳聲嬌穉海綃紅
文香淺清黃鸞跳舞千季觥仙人燭樹蠟煙輕清琴
醉眼淚泓泓

洛姝真珠

真珠小鬟下青廓一作郭洛苑香風飛綽綽寒鬢斜釵玉
鸞光高樓唱月敲懸璫蘭屈桂露酒幽翠紅絃裏雲

咽深息花袍白馬不歸來濃蛾疊柳香脣醉金鴛屏
風蜀山夢鸞裾鳳帶行爐重八驄籠見臉一作臉差移日
絲絲散暎羅洞市南曲陌無秋涼楚晉衛鬢四時芳
玉喉窸窣排空光牽雲曳雪留陸郎

李夫人

紫皇宮殿重重開夫人飛入瓊瑤臺綠香繡帳何時
歇青雲無光宮水咽翩聯桂花墜秋月孤鸞驚曉商
絲篋紅鞞闌珊懸珮璫歌臺小妓遙相望玉蟾滴水
雞人唱露花蘭葉參差光

走馬引

我有辭鄉劍玉鋒堪截雲襄陽走馬客一作使意氣自生春
朝嫌劍花淨莫嫌劍光冷能持劍向人不解持照身

湘妃

筠竹千季老不死長伴秦娥蓋湘水蠻孃吟弄滿寒
空九山靜綠淚花紅離鸞別屬爐梧中巫雲蜀雨遙
相通幽愁秋氣上青楓涼夜波間吟古龍

南園十三首

花枝艸蔓眼中開小白長紅越女腮可憐日暮媽香
落嫁與春風不用媒

宮北田塍曉氣酣黃桑飲露窳宮簾長晉健婦偷攀
折糝餒吳王八繭蠶

竹裏綠絲挑網車青蟬獨噪日光斜桃膠迎夏香琬
珀自課越傭能種瓜

三十未有二十餘白日長飢小甲蔬橋頭長老相哀

念因遺戎韜一卷書

男兒何不帶橫刀一作吳錫收取關山五十州請君暫上凌

煙閣若箇書生萬戶侯

尋章摘句老雕蟲曉月當簾挂玉弓不見年年遼海

上文章何處哭秋風

長卿牢落悲空舍曼倩恢諧取自容見買若耶溪水

劍明朝歸太事殞公

春水初生乳鶯飛黃鸝小尾撲花歸牕含遠色一作通書

幌負攤香鈎近石磯

泉沙輒臥鴛鴦暖曲岬迴一作篙舫艇遲瀉酒木欄一作蘭

樹葉蓋病容扶起種菱絲

邊壤今朝憶蔡邕無心裁曲臥春風舍南有竹堪書

字老去溪頭作釣翁

長齋谷口倚嵇家白晝千峰去翠華自履藤鞋收石

蜜手牽苔絮長莖花

松溪黑水新龍卵桂洞生硝舊馬牙誰爲虞卿栽道

帔輕綃一匹染朝霞

小樹開朝暉長葺溼痂煙柳花驚雪浦麥雨漲溪田

古剎疎鐘度遙嵐破月懸沙頭敲石火燒竹爨渙船

歌詩編第一



國家圖書館, NATIONAL CENTRAL LIBRARY, TAIWAN, R.O.C.

歌詩編第一

歌詩編第二

金銅仙人辭漢歌

并序

魏明帝青龍元年八月詔宮官牽車鹵取漢孝老捧
露盤仙人欲立置肯殿宮官既拆盤仙人臨載乃潛
然淚下唐諸王孫李長吉遂作金銅仙人辭漢歌
茂陵劉郎秋風客夜聞馬嘶曉無跡畫欄桂樹懸瓊
香三十六宮土花碧魏官牽車指千里東關酸風射
眸子空將漢月出宮門憶君清淚如鉛水衰蘭送客
咸陽蒨天若有情天亦老攜盤獨出月荒涼渭城已
遠波聲小

古悠悠行

白景歸鹵山碧華上

一作土

迢迢今古何處盡千歲隨風飄

海沙變成石，魚沫吹秦橋。空光遠流浪，銅柱從季消。

黃頭郎

黃頭郎撈攏去不歸，南浦芙蓉影愁紅。獨自罨水弄
湘娥，珮竹嘒山露。月玉瑟調青門石，雲濕一作黃葛沙上。
蘼蕪花穠風已先，叢好持埽羅薦香。出鴛鴦熱。

馬詩二十三首

龍脊貼連錢，銀蹄白踏煙。無人織錦韉，誰爲鑄金鞭。
臘月艸根甜，天街雪侶鹽。未知硬軟先，擬蒺藜街。
忽憶周天子，驅車上玉山。鳴騶辭鳳苑，赤驥最承恩。
此馬非凡馬，房星本是星。向肯敲瘦骨，猶自帶銅聲。
大漠沙如雪，燕山月似鉤。何當金絡腦，快走踏清秋。
飢臥骨查牙，羸毛刺破花。鬣萋朱色落，髮斷鋸長麻。

鹵母酒將闌，東王飯已乾。君王若燕去，誰爲拽車轅。
赤兔無人用，當須呂布騎。吾聞果下馬，羈策任蠻兒。
颺并歿，忿忿如今不。豢龍夜來霜，駭棧駿骨折。鹵風
催榜渡，烏江神騅泣。向風吾王今解劍，何處逐英雄。
內馬賜宮人，銀鞵刺騏驎。午時鹽坂上，躑躅溘風塵。
批竹初攢耳，桃花未上身。他時須攪陣，牽去借將軍。
寶玦誰家子，長聞俠骨香。堆金買駿骨，將送楚襄王。
香襪藉羅新，盤龍盛鐙鱗。迴看南陌上，誰肯不逢春。
不從桓公獵，何能伏虎威。一朝溝隴出，看取拂雲飛。
唐劍斬隋公，拳毛屬太宗。莫嫌金甲重，且去捉颯風。
白鐵剉青禾，礮間落細莎。世人憐小頸，金埒畏長牙。
伯樂向前看旋毛，在腹間。祇今培白艸，何日驀青山。

蕭寺馱經馬元從竺國來空知有善相不解走章臺
重圍如鷲尾寶劍侶魚腸欲求千里脚先采眼中光
暫繫騰黃馬仙人上綵樓須鞭玉勒吏何事謫高州
汗血到王家隨鸞撼玉珂少君騎海上人見是青騾
帝帝愛神仙燒金得紫烟廢中皆肉馬不解上青天

申胡子感策歌

并序

申胡子朔客之蒼頭也朔客李氏本亦世家子得祀
江夏王廟當年踐履失序遂奉官北郡自稱學長調
短調久未知名今季四月吾與對舍於長安崇義里
遂將衣質酒命予合飲氣歔榻闌因謂吾曰李長吉
爾徒能長調不能作五字歌詩直強迴筆端與陶謝
詩勢相遠幾里吾對後請撰申胡子感策歌凡五字

斲句歌成左右人今此不相唱朔客大喜擎觴起立命
花孃出幕襄徊拜空吾問所宜稱善平弄吟是呂弊
辭配穀與予爲壽

顏契感君酒含嚼蘆中敲花孃蓼綏妥休睡芙蓉屏
誰截太平管列點排空星直貫開花風天上驅行雲
今夕歲華落令人惜平生心事如波濤中坐時時驚
朔客騎白馬劍弢懸蘭纓俊健如生猱肯拾蓬中螢

老夫採玉歌

採玉採玉須水碧琢作步搖徒好色老夫飢寒龍爲
愁藍溪水氣無清白夜雨崗頭食蓊子杜鵑口血老
夫淚藍溪之水獸生人身歿千季恨溪水斜山柏風
雨如嘯泉脚挂繩青裏裏邨寒白屋念嬌嬰古臺石

哥言卷二
三
登懸腸艸

傷心行

咽咽學楚吟病骨傷幽素秋姿白髮生木葉號風雨
鐙青蘭膏歇落斃飛蛾舞古壁生凝塵羈魂夢中語

湖中曲

長眉越沙採蘭若桂葉水蕙春漠漠橫船醉眠白晝
閔渡口梅風歌扇薄焚釵玉股斃青渠越王嬌郎小
字書蜀紙封巾報雲鬢晚漏壺中水淋盡

黃家洞

雀步壺沙殼促促四尺角弓青石鏃黑幡三點銅鼓
鳴高作狷號搖箭箠綵布纏踣幅半斜溪頭簇隊映
葛花山潭晚霧吟白鬣竹虵飛蝨射金沙閔驅竹馬

緩歸家官軍自殺容州槎

屏風曲

蜨棲石竹銀交關水凝綠鴨瑠璃錢團迴六曲抱膏
蘭將鬟鏡上擲金蟬沉香火暖茱萸煙酒觥綰帶新
承懽月風吹露屏外寒城上烏號楚女眠

南山田中行

秋野明秋風白塘水漻漻蟲嘖嘖雲根苔蘚山上石
冷紅泣露嬌啼色荒畦九月稻叉牙蝻螢低飛隴逕
斜石脈水流泉滴沙鬼鐙如漆照松花

貴主征行樂

奚騎一作妹黃銅連鎖甲羅旗香榦金畫葉中軍留醉河
陽城嬌嘶紫鸞踏花行春營騎將如紅玉走馬梢鞭

上空綠女垣秦月角咿咿身帳未開分錦衣

酒罷張大徹索贈時張初効潞幕

長鬣張郎三十一天遣裁詩花作骨往還誰是龍頭
人公主遣秉負須笏太行青艸上白衫匣中章奏密
如蠶金門石閣知卿有豸角雞香早晚含隴鹵長吉
摧頽客酒闌感覺中區窄葛衣斷碎趙城秋吟詩一
爽東方白

羅浮山父一作人與葛篇

依依宜織江雨空雨中十月瀟臺風博羅老仙時出
洞千歲石牀噉鬼工虵毒濃吁洞堂溼江魚不食銜
沙立欲翦湘中一尺天吳娥莫道吳刀澀

仁和里雜叙皇甫湜湜新尉陸渾

大人乞馬癯乃寒宗人貨宅荒厥垣橫庭鼠逕空土
澀出籬大棗垂朱殘安定美人截黃綬脫落纓裾暝
朝酒還家白筆未上頭使我清一作聲落人後枉辱稱知
犯君眼排引纜陞強絙斷洛風送馬入長關闔扇未
開逢楔犬那知堅都相艸艸客枕幽單看春老歸來
骨薄面無膏疫氣衝頭鬢莖少欲彫小說千天官宗
孫不調爲誰憐明朝下元復鹵衛崆峒叙別長如天

宮娃歌

蠟光高懸照紗空花房夜擣紅守宮象口吹香毼毼
暖七星挂城聞漏板寒入呆愚殿影昏彩鸞簾額著
霜痕噉蛄吊月鉤欄下屈膝銅鋪鎖阿甄夢入家門
上沙渚天河落處長洲路願君光明如太陽放妾騎

魚撇波去

堂堂

堂堂復堂堂紅脫梅灰香十季粉蝨生畫梁飢蟲不
食推碎黃蕙花已老桃葉長禁院懸簾隔御光華清
源中礪石湯襄徊白鷺隨君王

勉愛行二首送小季之廬山

洛郊無俎豆弊廩慙老馬小雁過鑪峯影落楚水下
長船倚雲泊石鏡秋涼夜豈解有鄉情弄月聊鳴啞
別柳當馬頭官槐如兔目欲將千里別持我易斗粟
南雲北雲空脈斷靈臺經絡懸春綫青軒樹轉月滿
牀下國飢兒夢中見維爾之昆二十餘年來持鏡頗
有鬚辭家三載今如此索米王門一事無荒溝古水

光如刀庭南拱柳生蟻蠶江干幼客真可念郊原晚
吹悲號號

致酒行

零落樓遲一椀酒主人奉觴客長壽主父鹵遊困不
歸家人折斷門前柳吾聞馬周筭作新豐客天荒地
老無人識空將牋上兩行書直犯龍顏請恩澤我有
迷魂招不得雄雞一戩天下白少年心事當拏雲誰
念幽寒坐鳴呢

長歌續短歌

長歌破衣襟短歌斷白髮秦王不可見旦夕成內熱
渴飲壺中酒飢拔隴頭粟淒淒四月關千里一時綠
瘦峯何離離明月落石底衰徊沿石尋照出高峰外

不得與之遊歌成鬢先改

公莫舞歌

并序

公莫舞歌者詠項伯翼蒯劉沛公也會中壯士灼灼於人故無復書且南北樂府率有歌引賀陋諸家今重作公莫舞歌云

方花古礎排九楹刺豹淋血盛銀鬕華筵鼓吹無桐竹長刀直立割鳴箏橫楸麤錦生紅緯日炙錦媯王未醉罽月下三看寶玦光項莊掉箭欄前起材官小臣公莫舞座上真人赤龍子芒碭雲瑞抱天迴咸陽王氣清如水鐵樞鐵健重束關大旗五丈撞雙鑲漢王今日須秦印絕續剗腸臣不論

昌谷北園新筍四首

籜落長竿削玉開君看母筍是龍材更容一夜抽千尺別卻池園數寸泥
斫取青光寫楚辭膩香春粉黑離離無情有恨何人見露墜煙曉千萬枝
家泉十眼雨三莖曉看陰根紫脈生今季水曲春沙上笛管新篁拔玉青
古竹老梢惹碧雲茂陵歸臥歎清貧風吹千畝迎雨嘯鳥重一枝入酒樽

惱公

宋玉愁空斷嬌饒粉自紅歌聲春艸露門揜杏花叢
注口櫻桃小添眉桂葉濃曉奩粧秀靨夜帳減香筒
鈿鏡飛孤鵲江圖畫水蕙陂陀梳碧鳳嫵裹帶金蟲

杜若含清露，河蒲聚紫茸。月分蛾黛破，花合靨朱融。
髮重疑盤霧，膏輕乍倚風。密書題豈菟，隱語笑芙蓉。
莫鑱茱萸匣，休開翡翠籠。弄珠驚漢鵲，燒蜜引胡蠅。
醉纈拋紅網，單羅挂綠蒙。數錢教姹女，買藥問巴賚。
勻臉安斜雁，移鐙想夢熊。腸攢非束竹，肱急是張弓。
晚樹迷新蝶，殘蛩憶斷虹。古時填渤海，今日鑿崆峒。
繡沓褰長幔，羅裙結短封。心搖如舞鶴，骨出似飛龍。
井檻淋清漆，門鋪綴白銅。隈花開兔逕，向壁印狐蹤。
玳瑁釘簾薄，琉璃疊扇烘。象牀緣素柏，瑤席卷香蔥。
細管吟朝幌，芳醪落夜檣。宜男生楚巷，梔子葳金墉。
龜甲開屏澀，鶯毛滲墨濃。黃庭留衛瓘，綠樹養韓馮。
雞唱星懸柳，鷓鴣啼露滴。桐黃娥初出座，寵妹始相從。

蠟淚垂蘭燼，秋蕪掃綺櫳。吹笙翻舊引，沽酒待新豐。
短珮愁填粟，長絃怨削菘。曲池眠乳鴨，小閣睡娃僮。
褥縫蓼雙綫，鉤絡辯五總。蜀煙飛重錦，峽雨濺輕容。
拂鏡羞溫嶠，薰衣避賈克。負生玉藕下，人在石蓮中。
含水彎蛾翠，登樓濕馬鬣。使君居曲陌，園令住臨邛。
桂火流蘇暖，金爐細炷通。春遲王子態，罵嚮謝孌慵。
玉漏三星曙，銅街五馬逢。犀株防膽怯，銀液鎮心忪。
跳脫看年命，琵琶道吉凶。王時應七夕，夫位在三宮。
無力塗雲母，多_{一作}帶藥翁符。因青鳥送囊，用絳紗縫。
漢苑尋官柳，河橋閱禁鐘。月明中婦覺，應笑畫堂空。

感誦五首

合浦無明珠，龍洲無木奴。足知造化力，不給使君須。

越婦未織作吳蠶始蠕蠕縣官騎馬來穉色蚪紫鬚
懷中一方板板上數行書不因使君怒焉得詣爾廬
越婦拜縣官桑牙今尚小會待春日晏絲車方擲掉
越婦通言語小姑具黃梁縣官踏食去簿吏復登堂
奇俊無少年日車何躡躡我待紆雙綬遺我星星髮
都門賈生慕青蠅久斷絕寒食搖揚天憤景長肅殺
皇漢十二帝唯帝稱睿哲一夕信賢兒文明永淪歎
南山何其悲鬼雨灑空艸長安夜半秋風前幾人老
低迷黃昏逕裏裏青櫟榭月午樹無一作影山唯白曉
漆炬迎新人幽壙螢擾擾
星盡四方高萬物知天曙已生須已養荷擔出門去君
平久不反康伯循國路曉忠何說說闐闐千人語

石根秋水明石畔秋艸瘦侵衣野竹香螿螿垂葉厚
岑中月翹來蟾光挂空秀桂露對仙娥星星下雲逗
淒涼梔子落山壘泣清漏下有張仲蔚披書案將朽

三月過行宮

渠水紅鱗擁御牆風嬌小葉學娥妝垂簾幾度青春
老堪鑠千年白日長

歌詩編第二

漢書

九



國家圖書館, NATIONAL CENTRAL LIBRARY, TAIWAN, R.O.C.

歌詩編第三

追和何謝銅雀妓

佳人一壺酒秋容滿千里石馬臥新煙憂來何所侶
歌聲且潛弄陵樹風自起長裾眩高臺淚眼看花机

送秦光祿北征

北虜膠堪折蘄沙亂曉鼓鼙拜胡頻犯塞驕氣侶橫霓
灞水樓船渡營門細柳開將軍馳白馬豪彥騁雄材
箭射攬揔落旗縣日月低榆稀山易見甲重馬頻嘶
天遠星光沒沙平艸葉齊風吹雲路火雪汙玉關泥
屢斷呼韓頸曾燃董卓膺太常猶舊寵光祿是新階
寶玦騏驎起銀壺佛狘唬桃花連馬叢綵絮撲鞍來
呵臂懸金斗當脣注玉壘清蘇和碎蟻紫膩卷浮杯

虎韞先蒙馬負腸且斷犀趨鱗
旅狗盛頰北方奚
宇帳燃香暮看鷹
孔夜棲黃龍就別
鏡青塚念陽臺
周處長橋役侯調
短弄哀錢塘階鳳
羽正室擘鸞斂
內子攀琪樹羌兒
奏落梅今朝擎劍
去何日刺蛟迴

鼎會二首

金奩公子夾衫長
密裘膏鞞割玉一作方行處
春風隨馬尾
柳花偏打內家香
雍州二月海池春
御水鷓鴣暖白蘋
試問酒旗歌板地
今朝誰是拗花人

畫角東城

河轉曙蕭蕭鷓鴣飛
睥睨高帆長標越
甸壁冷挂吳刀
淡菜生寒日
鮒魚喫白濤
水花霑抹額
旗鼓夜迎潮

謝秀才有妾縞練改從吟人
秀才引雷之不得
後生感憶座人製詩嘲謝賀復繼四首

誰知泥憶雲望斷梨花春
荷絲製機練竹葉剪花裊
月明曉阿姊燈暗會良人也
識君夫婿金奩挂在身
銅鏡立青鸞燕脂拂紫綿
腮花弄暗粉眼尾淚侵寒
碧玉破不復一作後
瑤琴重撥絃今日非
筓日何人敢正看
洞房息不禁蠶子作花心
灰暖殘香炷髮冷青蟲
簪夜遙鐙燄短睡熟小屏
溪好作鴛鴦夢南城罷
擣醪尋常輕宋玉今日嫁
文鴛戟榦橫龍簾刀環倚
桂窓邀人裁半袖端坐據
胡牀淚溼紅輪重棲鳥上
井梁

昌谷讀書示巴童

蟲響鐙光薄宵寒藥氣濃
君憐垂翅客辛苦尚相從

巴童答

巨鼻匡山褐尾眉入苦吟非君唱樂府誰識怨秋深

代崔家送客

行蓋柳陰下馬曉白翩翩恐送一作隨行處盡何忍重揚鞭

出城

雪下桂花豨嘯鳥被彈歸關水乘驢影秦風帽帶垂
入鄉試一作試萬里無印自堪悲卿卿忍相問鏡中雙淚姿

莫種樹

園中莫種樹種樹四時愁獨睡南牀月今秋侶去秋

將發

東牀卷席罷護落將一作行去秋白遙遙空日滿門肯路
追賸畫江潭苑四首

吳苑曉蒼蒼宮衣水濺黃小鬟紅粉薄騎馬珮珠長
路拍臺城迴羅薰袴褶香行雲霑翠輦今日侶襄王
寶袂菊衣單萸花密露寒水光蘭澤葉帶重剪刀錢
角暖盤弓易鞞長上馬難淚痕霑寢帳勻粉奩金鞍
翦翅小鷹斜縮根玉鏃花鞦垂妝鈿粟箭箭箭釘文牙
萬鷗唳溪竹鷓鴣老溼沙宮官燒蠟火飛燼汗鉛華
十騎簇芙蓉宮衣小隊紅練香薰宋鶴尋箭踏盧龍旗
溼金鈴重霜乾玉鐙空今朝畫眉早不待景陽鐘

路州張大宅病酒過江使寄上十四兄

秋至昭關後當知趙國寒繫書隨短羽寫恨破長牋
病客眠清曉疎桐墜綠鮮城鷓鴣嘯粉堞軍吹慙蘆烟
岬幘寒紗幌枯塘臥折蓮木牕銀跡畫石磴水痕錢

旅酒侵愁肺離歌繞懦絃詩封兩條淚露折一枝蘭
莎老沙雞泣松乾瓦獸殘覺騎燕地馬夢載楚溪船
枿桂傾長席鱸斲玳筵豈能忘舊路江島滯佳年

難忘曲

古詩有君家誠易知易知復難忘

夾道開洞門弱楊低畫戟簾影竹華起簫聲吹日色
逢蟲語繞妝鏡拂蛾學春碧亂繫丁香梢滿欄花向夕

賈公閣貴婿曲

朝衣不須長分花對袍縫嚶嚶白馬春滿腦黃金重
今朝香氣苦珊瑚澀難枕且要弄風人暖蒲沙上飲
鶯語踏簾鈎日虹屏中碧潘令在河陽無人歿芳色
疲飲朝眠曲

觴酣出座東方高爵橫半解星勞勞柳花一作花鳴曉公主

醉薄露黏花蕙圍氣玉轉濕絲牽曉水熟粉生香琅
玕紫夜飲朝眠斲無事楚羅之幃卧皇子

王濟墓下作

人間無阿童猶唱水中龍白艸侵煙死穉梨遠地紅
古書平黑石神劍斲青銅耕勢負鱗起墳科馬鬣封
菊花垂溼露棘逕臥乾蓬松柏愁香澀南原幾夜風

客遊

悲滿千里心日暖南山石不謁承明廬老作平原客
四時別家廟三年去鄉國旅歌屢彈鋏歸問時裂帛

崇義里滯雨

落莫誰家子來感長安秋壯年抱羈恨夢泣生白頭
瘦馬秣敗艸雨沫飄寒溝南宮古簾暗溼景傳籤籌

家山遠千里雲脚天東頭憂眠枕劍匣客帳夢封侯

馮小憐

灣頭見小憐請上琵琶絃破得春風恨今朝直幾錢
裊垂竹葉帶鬢溼杏花燼玉冷紅絲重齊宮妾駕鞍

贈陳商

長安有男兒二十心已朽楞伽堆案肯楚辭繫肘後
人生有窮拙日暮聊飲酒祇今薊已塞何必須白首
淒淒陳述聖披褐鉏俎豆學爲堯舜文時人責衰偶
柴門車轍凍日下榆影瘦黃昏訪我來苦節青陽皺
大華五千仞劈地抽森秀翁古無寸尋一上戛牛斗
公卿縱不憐寧能鑱我口李生師太華大坐看白晝
逢霜作樸檝得氣爲春柳禮節乃相去顛顛如芻狗

風雪直齊壇墨組貫銅綬臣妾氣態間唯欲承箕帚

夫

一作天眼何時開古劍庸一吼

釣魚詩

秋水釣紅蕖仙人待素書菱絲縈獨繭蒲米螯雙魚
斜竹垂清沼長綸貫碧虛餌懸春蜥蜴鈎墜小蟾蜍
詹子情無限龍陽恨有餘爲看煙浦上楚女淚霑裾
奉和二兄罷使遣馬歸延州

空雷三尺劍不用一丸泥馬向沙場去人歸故國來
笛愁翻隴水酒喜灑春灰錦帶休鷲雁羅衣尚鬪雞
還吳已渺渺入郢莫淒淒自是樵李樹何畏不成蹊

答贈

本作張公子曾名萼綠華沉香燼小像楊柳伴嘯鷗

露重金泥冷盃闌玉樹斜琴堂沽酒客新買後園花
題趙生壁

大婦焚竹根中婦春玉屑冬暖拾松枝日燠坐蒙滅
木蘚青桐老石井水聲發曝背臥東亭桃花滿肌骨
感春

日暖自蕭條花悲北郭騷榆穿菜子眼柳斷舞兒曹
上幕迎神蕩飛絲送百勞胡琴今日恨急語向檀槽

仙人

彈琴石壁上翻翻一仙人手持白鸞尾夜掃南山雲
鹿飲寒澗下負翹清海濱時時漢文帝書報桃花春

河陽歌

深羅衣秋藍難著色不是無心人爲作臺邛空花燒

中潭城顏郎身已老惜許兩少年抽心侶春艸今日
見銀牌今夜烏玉護牛頭高一尺隔坐應相見月從
東方來酒從東方轉觥船餒口紅蜜炬千枝爛

花遊曲

并序

寒食日諸王妓遊賀入座因採梁簡文詩調賦花遊
曲与妓彈唱

春柳南陌態冷花寒露姿今朝醉城外拂錦濃掃眉
煙溼愁車重紅油覆画衣舞袞香不暖酒色上來遲

春書

朱城報春更漏轉光蛩催蘭吹小殿艸細堪梳柳長
如練卷衣秦帝埽粉趙燕日含画幕蠶上羅薦平陽
花塢河陽花縣越婦搯機吳蠶作繭菱汀繫帶荷塘

倚扇江南有情塞北無恨

安樂宮

溪井桐鳥起尚服復作牽清水未盥邵陵瓜瓶中弄長翠
新成安樂宮宮如鳳皇翅歌迴蠟板鳴左館提壺使
綠鱗悲水曲茱萸別秋子

胡蝶飛

楊花撲帳春雲熱龜甲屏風醉眼纈東家胡蝶鹵家
飛白騎少年今日歸

梁公子

蜃彩出蕭家本是菖蒲花南塘蓮子熟洗馬走江沙
御牋銀沫冷長簾鴛窠斜種柳營中暗題書賜館娃
牡丹種曲

蓮枝未長秦蘅老走馬馱金劔春艸水灌香泥却月
盆一夜綠房迎白曉美人醉語園中燼晚華已散蝶
又闌梁王老去羅衣在拂袖風吹蜀國絃歸霞帔拖
蜀帳昏媿紅落粉罷承恩檀郎謝女眠何處樓庭月
明鶯夜語

後園鑿井

井上轆轤牀上轉水聲鱗鱗作戲淺情若何荀奉倩城
頭日長向城頭住一日作千年不須流下去

開愁歌

華作

秋風吹地百艸乾華容碧影生晚寒我當二十不得
意一心愁謝如枯蘭衣如飛鷄馬如狗臨歧擊劍生
銅吼旗亭下馬解秋衣請貰宜陽一壺酒壺中喚天

雲不開白晝萬里閒淒迷主人勸我養心骨莫受俗
物相填狹

秦宮詩 并序

漢人秦宮將軍梁冀之嬖奴也秦宮得寵內舍故曰
驕名大噪於人予撫舊而作長辭曰馮子都之事相
爲對望又云晉有之詩

越羅衫袂迎春風玉刻麒麟膏帶紅樓頭曲宴仙人
語帳底吹笙香一作煙霧濃人間酒暖春茫茫花枝入簾
白日長飛牕複嶺傳頭一作籌飲一作午夜銅盤一作膝膩燭黃
禿衿小袖調鸚鵡紫繡麻霞一作暈踏哮屣斫桂燒金待
曉筵白鹿清蘇夜半一作來煮桐英永巷騎新一作珍馬內屋
深一作珍屏生色畫開門爛用水衡錢卷起黃河向身瀉

皇天厄運猶曾裂秦宮一生花裏活鸞篋奪得不還
人醉睡一作臥氍毹滿堂月

古鄴城童子謠 劾王梁刺轉操

鄴城中算塵起探黑丸斫文吏棘爲鞭屣爲馬團團
走鄴城下切玉劍射日弓獻何人奉相公扶轂來關
右兒香婦塗相公歸

楊生青花紫石硯歌

端州石工巧如神踏天磨刀割紫雲傭剝抱水含滿
脣暗灑萇弘冷血痕紗帷晝暖墨花春輕漚漂沫松
麝薰乾膩薄重立脚勻數寸光秋無日昏圓毫促點
巖靜新孔硯寬頑何足云

房中思

新桂如蛾眉秋風吹小綠行輪出門太玉鑿聲斷續
月軒下風露曉庭自幽澀誰能事貞素臥聽莎雞泣

石城曉

月落大堤上女垣棲鳥起細露溼團紅寒香解夜醉
女牛渡天河柳煙滿城曲上客留斷纓殘蛾鬪雙綠
春帳依微蟬翼羅橫茵突金隱體花帳肯輕絮鶴毛
起欲說春心無所侶

苦晝短

飛光飛光勸爾一杯酒吾不識青天高黃地厚唯見
月寒日暖來煎人壽食熊則肥食蛙則瘦神君何在
太一安有天東有若木下置銜燭龍吾將斬龍足嚼
龍肉使之朝不得迴疲不得伏自然老者不灰少者

不哭何爲服解黃金吞白玉誰侶任公子雲中騎碧
驢劉徹茂陵多滯骨羸政梓棺費鮑奩

章和二年中

雲蕭索田風拂拂麥芒如篲黍如粟關中父老百領
襦關東吏人之詬租健犢春畊土膏黑菖蒲叢叢沿
水脈躬勤爲我下田租百錢攜償一作賞絲桐客遊春漫
光塢花白野林散香神降席拜神得壽獻天子七星
貫斷姮娥歎

春躋昌谷

束髮方讀書謀身苦不早終軍未乘傳顏子鬚先老
天綱信崇大矯士常怪怪逸目駢甘華羈心如荼蓼
早雲二三月岑岫相顛倒誰揭賴玉盤東方發紅暎

春熱張鶴蓋兔目官槐小患焦面如病嘗膽腸侶絞
京國心爛漫夜夢歸家少發軔東門外天地皆浩浩
青樹驪山頭花風滿秦衛宮臺光錯落衰盡偏峰嶠
細綠及團紅當路雜唬笑香氣下高廣鞍馬正華耀
獨乘雞棲車自覺少風調心曲語形影祇身焉足樂
豈能脫負擔刻鶴曾無地幽幽太華側老柏如建纛
龍皮相排戛翠羽夏蕩掉驅趨委懽悴眺覽強容貌
花蔓閱行軫穀煙暝深微少健無所就入門愧家老
聽講依大樹觀書臨曲沼知非出柙虎甘作藏霧豹
韓鳥處增繳湘儵在籠罩狹行無廓落壯士徒輕躁

昌谷詩

五月二十七日作

昌谷五月稻細青滿平水遙巒相蹙疊頽綠愁隨地

光潔無秋絲一作思涼曠吹浮媚竹香滿淒寂粉節塗生
翠艸髮垂恨鬢光露泣幽淚層圍爛洞曲芳逕老紅
醉攢蟲蝨古柳蟬子鳴高邃大帶委黃首白紫蒲交狹
淡石錢差復藉厚葉皆蟠膩汰沙好孑白立馬印青字
晚鱗自遨遊瘦鵠暝單時嘹嘹溼咕巖咽源鷲濺起
紆緩玉真路近武后巡幸路神娥蕙花裏苔絮紫澗礫山實坐
蘋紫小柏儼重扇肥松突丹髓鳴流走響韻壠秋拖
光綫鸞唱閨女歌瀑懸楚練帔風露滿笑眼駢嚴雜
舒墜亂條迸石顎細頸喧鳥忘日脚掃昏翳新雲啟
華閤謚謚獸夏光商風漸清氣高眠服玉容燒桂祀
天凡谷与女山嶺阪相承山即蘭香神女上天處也遺几在焉霧衣疲披拂眠壇夢真粹待駕
棲鸞老故宮柝壁圮福昌宮在谷之東鴻隴數鈴響羈臣發涼息

陰藤束朱鍵龍帳著魑魅碧錦帖花檉香衾事殘貴
歌塵蝨木在舞綵長雲侵珍作壞割繡段里俗祖蜚義
隣凶不相杵疫病無邪祀鮎皮識仁惠卍角知醜恥
縣省司刑官戶之詬祖吏竹藪添隋簡石磯引紉餌
溪灣轉水帶芭蕉傾蜀紙岑色晃穀襟孤景拂鯨事
泉樽陶宰酒月眉謝郎妓丁丁幽鐘遠矯矯單飛至
霞巘躬差峩危溜敲爭次淡蛾流平碧薄月眇陰悴
涼光入澗岸廓盡山中意澆童下宵網霜禽竦煙翅
潭鏡滑蛟涎浮珠唼魚戲蜃松瑤匣瑟螢星錦城使
柳綴長縹帶篁掉短笛吹石根緣綠蘚蘆筍抽丹漬
漂旋弄天影古檜拏雲辭愁月薇帳紅罨雲香蔓刺
芒麥平百井閒乘列千肆刺促成紀人好學鴟夷子

銅駝悲

落魄三月罷尋花太東家誰作送春曲洛岬悲銅駝
橋南多馬客北山饒古人客飲盃中酒駝悲千萬春
生世莫徒勞風吹盤上燭獸見桃株笑銅駝夜來哭
自昌谷到洛後明

九月大野白蒼岑竦秋門寒涼交月末露霰濛曉昏
澹色結晝天心事填空雲漸上千里風野竹蛇涎痕
石澗東波殼雞叫清寒晨強行到都舍解馬投舊隣
東家名廖者鄉曲傳姓辛杖頭非飲酒吾請造其人
始欲南太楚又將鹵適秦襄王与武帝各自留青春
聞道蘭臺上宋玉無歸竟縹緲兩行字螿螿蝨秋芸
爲探秦臺意豈命余負薪

古今圖書集成
七月一日曉入太行山

一夕遶山秋香霧溘蒙萊新橋倚雲坂候蟲嘶露樸
洛南今已遠越衾誰爲製石氣何淒淒老莎如短鋏

秋涼詩寄正字十二兄

閉門感秋風幽姿任契濶大野生素空天地曠肅殺
光露泣殘蕙蟲響連夜發房寒寸輝薄迎風絳紗折
披書古芸馥恨唱華容歇百日不相知花光變涼節
弟兄誰念慮賤翰旣通達青袍瘦白馬艸簡奏東闕
夢中相聚笑覺見半牀月長思劇尋環亂憂抵覃葛

歌詩編第三

歌詩編第四

艾如張

艾音又見詩也

錦襜褕繡襜褕强强飲啄一作啄食哺爾雛隴東臥穗滿
雨莫信龍一作良媒隴鹵太齊人織網如素空張在野田
一作春平碧中網絲漠漠無形影誤爾觸之傷首紅艾葉
綠花難剪刻中藏禍機不可測一作識

上雲樂

飛香走紅滿天春花龍盤盤上紫雲三千宮女列金
屋五十絃瑟海上聞天江碎碎銀沙路羸女機中煙
斷素煙素縫衣縷一作羸女機中織烟素斷烟素縫舞衣八月一日君肯舞

摩多樓子

玉塞去金人二萬四千里風吹沙作雲一時渡遼水



圖書館, NATIONAL CENTRAL LIBRARY, TAIWAN, R.O.C.

天白水如練甲絲雙串斷行行莫苦辛城月猶殘半
曉氣朔煙上趨起胡馬蹏行人臨水別隔隴長東鹵

猛虎行四言

長戈莫春强弩莫烹一作乳孫哺子教得生寧舉頭爲
城掉尾爲旌東海黃公愁見疲行衛逢騶虞牛哀不
平何用尺刀壁上雷鳴泰山之下婦人哭聲官家有
程吏不設聽

日出行

白日下崐崙發光如舒絲徒照葵藿心不照遊子悲
折折黃河曲日從中央轉曠谷耳曾聞若木眼不見
奈爾鑠石胡爲銷人羿彎弓屬矢那不中足令久不
得奔詎教晨光夕昏

苦皇調嘯一作笑引

請說軒轅在時事伶倫采竹二十四伶倫采之自崑
丘軒轅詔遣中分作十二伶倫呂之正音律一少軒轅
呂之調元氣當時黃帝上天時二十三管咸相隨唯
留一管人間吹無德不能得此管此管沉埋虞舜祠

拂舞歌詞

吳娥覲絕天空雲閣徘徊門外滿車馬亦須生綠苔
樽有烏程酒勸君千萬壽全勝漢武錦樓上曉望晴
寒飲花露東方日不破天光無老時丹成作蛇乘白
霧千季重化玉井土從蛇作土二千載吳堤綠艸年
年在背有八卦稱神仙邪鱗頑甲滑腥涎

疲坐吟

踏踏馬蹏誰見過眼看北斗直天河
鹵風羅幕生翠波鉛華笑妾顰青蛾
爲君起唱長相思簾外嚴霜皆倒飛
明星爛爛東方暉紅霞稍出東南涯
陸郎去矣乘班騅

筓篔引

又曰公無渡河

公平公乎提壺將焉如屈平沉湘不足慕
徐衍入海誠爲愚公乎公乎牀有管席盤有
炙北里有賢兄東隣有小姑隴畝油油黍
與葫瓦甌濁醪蟻浮浮黍可食醪可飲公
乎公乎其奈居君被髮奔流竟何如賢兄
小姑哭嗚嗚

巫山高

碧叢叢高插天大江翻瀾神曳燵楚魂
尋夢蜃颯然

曉風飛雨生苔錢瑤姬一去一千季
丁香筇竹唬老猿古祠近月蟾桂寒
琳花隨紅溼雲間

平城下

飢寒平城下夜夜守明月別劍無玉花
海風斷鬢髮塞長連白空遙見漢旗紅
青帳吹短笛燵霧溼畫龍日晚在城上
依稀望城下風吹枯蓬起城中嘶瘦馬
僭問築城吏太關幾千里惟愁裏尸歸
不憺倒戈歿

江南弄

江中綠霧起涼波天上疊巘紅嵯峨
水風浦雲生老竹渚暝蒲帆如一幅
鱸魚千頭酒百斛酒中倒臥南山綠
吳歎越吟未終曲江上團團帖寒玉

榮華樂

一作東洛梁家謠

鷲肩公子二十餘齒編貝脣繳朱氣如虹蜺飲如建
紙走馬疲歸叫嚴更逕穿複衙遊榭房尨裘金玦雜
花光玉堂調笑金樓子臺下戲學邯鄲倡口吟舌話
稱女郎錦袪繡面漢帝苟得明珠十斛白璧一雙新
詔垂金曳紫光煌煌馬如飛人如水九卿六官皆望
履將迴日月先反掌欲作江河唯畫地峨峨帝冠上
切雲竦劍晨趨凌紫氛繡段千尋貽皂隸黃金百鎰
貺家臣十二門肯張大宅晴春煙起連天碧金鋪綴
日雜紅光銅龍鬣環侶爭力瑤姬凝醉臥芳席海素
籠牕空下隅丹穴取鳳克行庖獲獲如拳那足食金
蟾呀呀蘭燭香軍裝衮妓敲琅璫誰知花雨夜來過
但見池臺春艸長嘈嘈絃吹匝天開洪崖簫聲遠天

來天長一矢貫雙席雲弛絕騁聒旱雷亂袖交竿管
兒舞吳音綠鳥學言語能教刻石平紫金解送刻毛
寄新兔三皇皇后七賢人五十校尉二將軍當時飛
去逐彩雲化作今日京華春

相勸酒

義和騁六轡晝夕不曾閒彈鳥嶮嵒竹扶馬蟠桃鞭
蓐收既斷翠柳青帝又造紅蘭堯舜至今萬萬歲數
子將爲傾蓋間青錢白璧買無端丈夫快意方爲歡
臞鳩臞熊能何足云會須鍾飲北海箕踞南山歌淫淫
管悵悵橫波好送雕題金人生得意且如此何用強
知元化心相勸酒終無輟伏願陛下鴻名終不歇子
孫綿如石上葛來長安車駢駢中有梁冀舊宅石崇

故園

瑤華樂

穆天子走龍媒八轡冬瓏逐天迴五精埽地凝雲開
高門左右日月環四方鐫鏤稜層毅舞霞垂尾長盤
珊江澄海淨神母顏施紅點翠炤虞泉曳雲拖玉下
崑山列旆如松張蓋如輪金蜃殿秋清明發春八鑿
十乘轟如雲屯瓊鍾瑤席甘露文立霜絳雪何足云
薰梅染柳將贈君鉛華之水洗君骨與君相對作真
質

北中寒

一方黑炤三方紫黃河冰合魚龍死三尺木皮斷文
理百石強車上河水霜花艸上大如錢揮刀不入迷

蒙天爭滄海水飛凌喧山瀑無聲玉虹懸

梁臺古愁

梁王臺沼空中立天河之水夜飛入臺肖鬪玉作蛟
龍綠粉埽天愁露溼撞鐘飲酒行射天金帟盛裘噴
血斑朝朝算算愁海翻長繩繫日樂當季芙蓉凝紅
得秋色蘭臉別春曉脈脈蘆洲客雁報春來寥落野
篔秋漫白

公無出門

天迷迷地密密熊虺食人魂雪霜斲人骨嗾犬狺狺
相索索舐掌偏宜佩蘭客帝遣乘軒災自息玉星點
劍黃金軛我雖跨馬不得還歷陽湖波大如山毒虬
相視振金環狡狴獠獠吐噉涎鮑集一世披艸眠顏

回十九鬢毛班顏回非血衰鮑集不違天天畏遭銜
鬻所召致之然分明猶懼公不信公看呵壁書問天

神絃別曲

巫山小女隔雲別春風松花山上發綠葢獨穿香徑
歸白馬花竿肯子子蜀江風澹水如羅隨蘭誰汎相
經過南山桂樹爲君歿雲衫淺汗紅脂花

綠水辭

今宵好蛩月阿戾在何處爲有傾人色翻成足愁苦
東湖採蓮葉南湖拔蒲根未持寄小姑且持感愁魂

沙路曲

柳臉^{一作}半眠丞相樹珮馬釘鈴踏沙路斷燼遺香裏翠
煙燭騎鳴^{一作}嘯上天太帝家玉龍開^{一作}九關帝肯動

笏移^{一作}解南山獨^{一作}垂重印押千官金窠^{一作}篆字紅屈盤
沙路^{一作}遶來聞好語旱火不光天下雨

上之回

上之回大旗喜懸紅雲撻鳳尾劍匣破舞蛟龍蚩尤
歿鼓蓬蓬天高慶雷齊墜地地無驚煙海千里

高軒過

韓貞外愈皇甫侍神
漫見過因而命作

華裾織翠青如葱金環鞶纒搖冬瓏馬蹏隱耳轂隆
隆入門下馬氣如虹東京才子文章公^{一作文}二十八宿
羅心曾九精炤耀^{一作元}貫當中殿肯作賤聲摩空筆
補造化天無功龐眉書客感秋蓬誰知歿艸生華蛩
我今垂翅附冥鴻他日不羞蛇作龍

貝宮夫人

丁丁海女弄金環雀釵翹揭雙翅關六宮不語一生
閒高懸銀燭炤青山長眉凝綠幾千季清涼堪老鏡
中鸞秋肌稍覺玉衣寒空光帖妥水如天

蘭香神女廟

三月中作

古春季季在閨綠搖暖雲松香飛晚華柳渚含日昏
沙砌落紅滿石泉生水芹幽篁畫新粉蛾綠橫曉門
弱蕙不勝露山秀愁空春舞珮剪鸞翼帳帶塗輕銀
蘭桂吹濃香菱藕長莘莘看雨逢瑤姬乘船值江君
吹簫飲酒醉結綬金絲裊走天呵白鹿遊水鞭錦鱗
密髮虛鬟飛膩靨凝花勻團鬢分蛛巢穠眉籠小脣
弄螳和輕妍風光怯冑身溪幃金鴨冷奩鏡幽鴛塵
踏霧乘風颺撼玉山上聞

一作門

送韋仁實兄弟入關

送客飲別酒千觴無緒顏何物最傷心馬首鳴金鏤
野色浩無主秋明空曠間坐來壯膽破斷目不能看
行槐引鹵道青梢長攢攢韋郎好兄弟疊玉生文翰
我在山上舍一畝蒿磽田夜雨叫租吏春聲暗交關
誰解念勞勞蒼突唯南山

洛陽城外別皇甫湜

洛陽吹別蜃龍門起斷燵冬樹東生澀晚紫凝華天
單身野霜上疲馬飛蓬間凭軒一雙淚奉墜綠衣肯

溪晚涼

白狐向月號山蜃秋寒掃雲留碧空玉燵青溼白如
幢銀灣曉轉流天東溪汀眠鷺夢征鴻輕連不語細

游溶層岫迴岑復疊龍苦篁對客吟歌筒

官不來顯皇甫湜先輩廳

官不來官庭秋老桐鎔幹青龍愁書司暫佐走如牛
疊聲問佐官來不官不來門幽幽

長平箭頭歌

漆灰骨末丹水沙淒淒古血生銅花白翎金箠雨中
盡直餘三脊殘狼牙我尋平原乘雨馬驛東石田萬
塢下風長日短星蕭蕭黑旗雲溼懸空夜左魂右魄
號肌瘦酪瓶倒盡將羊炙蟲棲雁病蘆筍紅迴風送
客吹陰火訪古沈瀾收斷鏃折鋒赤墨曾封肉南陌
東城馬上兒勸我將金換簾竹

江樓曲

樓背流水江陵道鯉魚風起芙蓉老曉釵催鬢語南
風抽帆歸來一日功鬻吟浦口飛梅雨竿頭酒旗換
青苧蕭騷浪白雲差池黃粉油衫寄郎主新槽酒聲
苦無力南湖一頃菱花白眼肯便有千里愁小玉開
屏見山色

塞下曲

胡角引北風薊門白於水天含青海瀚城頭月千里
露下旗濛濛寒金鳴夜刻蕃甲鎖蛇鱗馬嘶青塚白
秋靜見旄頭沙遠席羈愁悵北天應盡河聲出塞流

染絲上春機

玉甕汲水桐花井菡絲沈水如雲影美人懶態燕脂
愁春梭拋擲鳴高樓綵線結茸背復疊白袷玉郎寄

批葉爲君批鸞作費綬願君處處宜春酒

五粒小松歌

拜序

肯謙秀才杜雲卿命予作五粒小松歌予呂選書多事不治曲辭經十日駢道八句呂當命意

蛇子蛇孫鱗蜿蜿新香幾粒漠崖飯綠波浸葉滿濃光細束龍髯鉸刀翦主人壁上鋪州圖主人堂肯多俗儒月明白露秋淚滴石筍溪雲肯寄書

塘上行

藕花涼露溼花缺藕根澀飛下雌鴛鴦塘水聲溘溘

呂將軍歌

呂將軍騎赤兔獨攜大膽出秦門金粟堆邊哭陵樹北方逆氣汗青天劍龍夜叫將軍閑將軍振袖揮劍

鏐玉闕朱城有門閣榼榼銀龜搖白馬傅粉女郎火旗下恒山鐵騎請金槍遙聞箴中花箭香鹵郊寒蓬葉如刺皇天親一作新栽養神驥廐中高桁排蹇蹶飽食青芻飲白水圓蒼低迷益張地九州人事皆如此赤山秀鋌禦時英綠眼將軍會天意

休洗紅

休洗紅洗多紅色淺卿卿騁少季昨日殷橋見封侯早歸來莫作弦上箭

神絃曲

鹵山日沒東山昏旋風吹馬馬踏雲畫絃素管聲淺繁花裙萃蔡一作塵步秋塵桂葉刷蛭桂墜子青狸哭血寒狐死古壁彩蚪金帖尾雨工騎入秋潭水百季

老鴉成木魅笑靨碧火巢中起

野歌

亞翎羽箭山桑弓仰天射落銜蘆鴻麻衣黑肥衝北
風帶酒日晚歌田中男兒屈窮心不窮枯榮不等嗔
天公寒風又變爲春柳條條看卽煙濛濛

神經

女巫澆酒雲滿空玉爐炭火香夔夔海神一作寒雲山鬼來
座中紙錢窸窣鳴颼風相思木帖金舞鸞攢蛾一唳
重一彈呼星召鬼歆栝盤山魅食時人森寒終南日
色低平灣神兮長在無間神嗔神喜師更顏送神
萬騎還青山

將進酒

琉璃鍾琥珀濃小槽酒滴真珠紅烹龍炮鳳玉脂泣
羅屏一作幃繡幕圍春風吹龍笛擊鼉鼓皓齒歌細腰舞
況是青春日將暮枇杷花亂落如紅雨勸君終日酌
醉酒不到劉伶墳上土

美人梳頭歌

鹵施曉夢綃帳寒香鬟隨髻半沉檀轆轤啞轉鳴
玉驚起芙蓉睡新足雙鸞開鏡秋水光解鬟臨鏡立
象牀一編香絲雲撒地玉釵落處無敲膩纖手卻盤
老鷄色翠滑寶釵簪不得春風爛熳一作漫惱嬌慵十八
鬟多無氣力妝成髮髻欹不斜雲裾數步踏雁沙背
人不語向何處下階自折櫻桃花

月漉漉篇

月漉漉波煙玉莎青桂花綠芙蓉別江木粉態袂羅
寒雁羽鋪煙溼誰能看石帆乘船鏡中入秋白鮮紅
灰水香蓮子齊挽菱隅歌袖綠刺臂銀泥

京城

驅馬出門意牢落長安心兩事誰向道自作秋風吟

官街鼓

曉敲隆隆催轉日算敲隆隆呼月出漢城黃柳映新
簾栢陵飛蕪埋香骨礎幾千季日長白季孟秦王聽
不得從君翠髮蘆花色獨莫南山守中國幾迴天上
葬神仙漏敲相將無斷緣

許公子鄭姬歌

鄭園中請贊作

許史世家外親貴宮錦千端買沉醉銅駝酒熟烘明

膠古堤大柳煙中翠桂開客花名鄭袖入洛聞一作香
鼎門口先將芍藥獻妝臺後解黃金大如斗莫愁簾
中許合歡清絃五十為君彈彈敲咽春弄君骨骨興
牽人馬上鞍兩馬八蹏踏蘭苑情如合竹誰能見疲
光玉枕棲鴛皇袷羅當門刺純綫長翻蜀紙卷明君
轉角含商破碧雲自從小鬻來東道曲裏長眉少見
人相如塚上生穉柏三秦誰是言情客蛾鬟醉眼拜
諸宗為謁皇孫請暫植

新夏歌

曉木千籠真蠟綵落蒂枯香數分在陰枝拳身卷縹
茸長風迴氣扶葱籠野家麥畦上新壠長畛衰佃桑
柘重刺香滿地菖蒲艸雨梁鸞語悲身老三月搖揚

入河道天濃地穠柳梳婦

題歸夢

長安風雨夜書客夢昌谷怡怡中堂笑小弟栽澗菜
家門厚重意望我飽飢腹勞勞一寸心燈花焰灸目

經沙苑

野水汎長瀾宮身開小菑無人柳自春艸渚鴛鴦暖
晴嘶臥沙馬老太悲唳屢今春還不歸塞嚶折翅雁

出城別張又新酬李漢

李子別上國南山崆峒春不聞今夕鼓差慰煎情人
趙壹賤命薄馬卿家業貧鄉書何所報紫蕨生石雲
長安玉桂國戟帶披戾門慘陰地自光寶馬踏曉昏
臘春戲艸苑玉輓鳴驪綠網緹金鈴霞卷清池潯

開貫瀉蚊母買水一作水防夏蠅時宜裂大袂劍客車盤

茵小人如灰灰心切生秋榛皇圖跨四海百姓拖長

紳光明靄不發鬣龜徒覓銀吾將課禮樂嚴調摩清

新欲使十千歲帝術如飛神華實自蒼老流采長傾

溢沒沒暗齧舌涕血不設論今將下東術祭酒而別

秦六郡無勦兒長刀誰拭塵地理陽無正快馬遂服

轅二子美年少調道講清渾譏笑斲冬夜家庭疎篠

穿曙風起四方秋月當東懸賤詩面投擲悲哉不遇

人此別定霑臆越布先裁巾

歌詩編第四

教

國家圖書館, NATIONAL CENTRAL LIBRARY, TAIWAN, R.O.C.



古今圖書集成

三

集外詩目錄

南園

假龍吟歌

感諷六首

莫愁曲

疲來樂

嘲雪

春懷引

白帟行

有所思

惆少年

高平縣東私路

神仙曲

龍夜吟

崑崙使者

白門青

漢唐姬飲酒歌

聽穎師琴歌

謠俗

集外詩目錄終

集外詩

南園

方領蕙帶折角巾杜若已老蘭苕春南山削秀藍玉

合小雨歸太飛涼雲歎杏暖香梨葉老艸梢一作蒲竹柵

鑠池痕一作齊鄭公鄉老開酒尊坐汎楚奏一作酒吟招魂

假龍吟歌

石軋銅栝吟詠枯瘁蒼鷹一作鷲擺血白鳳下肺桂子

自落雲弄車蓋木歿沙崩惡谿島阿母得仙今不老

窻中跳汰截清涎隈孺臥水埋金爪崖蹬蒼苔一作蒼吊

石髮江君揜帳簣管折蓮花太國一千季雨後聞腥

猶帶鐵

感諷 六首

人間春蕩蕩，帳暖香揚揚。飛光深幽紅，誇嬌來洞房。
舞席泥金蛇，桐竹羅花牀。眼逐春暝醉，粉隨淚色黃。
王子下馬來，曲沼鳴鴛鴦。焉知腸車轉，一夕巡九方。
苦風吹朔寒，沙鷺秦木折。舞影逐空天，畫鼓餘清節。蜀
書秋信斷，黑水朝波咽。嬌兒從回風，臥處懸鄉月。
雜雜胡馬塵，森森邊士戟。天教胡馬戰，曉雲皆血色。婦
人攜漢卒，箭箠囊中慙。不慙金印重，踉蹌胥鞬力。恂
恂鄉門老，昨夜試鋒鏑。走馬遣書勳，誰能分粉墨。
青門一作鳥放彈去，馬色連空郊。何季帝家物，玉裘鞍
上搖。去去走犬歸，來來坐烹羔。千金不了饌，貉肉稱
盤臊。試問誰家子，乃老一作云能佩刀。鹵山白蓋下，賢儁
寒蕭蕭。

曉菊泣一作泣寒露，侶悲團扇。風秋涼，經漢殿。班子泣，衰
紅本無辭。輦意豈見入空宮，膏被珮珠斷。灰螿生陰
松。

蜨一作蜂飛紅粉臺，柳埽吹笙前。十日懸戶庭，九穗無衰
素一作素艸調歌送，蜚轉梧池白。魚小水宴截，香腹菱科映。
青罩羊蒙一作茸，梨花滿春昏。弄長嘯一作笑，唯愁苦花落。
不悞世衰到，撫舊唯銷一作傷魂。南山坐悲峭。

莫愁曲

艸生龍坡下，鷓噪城堞頭。何人此城裏，城角栽石榴。
青絲繫五馬，黃金絡雙牛。白魚駕蓮船，夜作十里遊。
歸來無人識，暗上沉香樓。羅牀倚瑤瑟，殘月傾簾鉤。
今日槿花落，明朝桐樹秋。莫負平生意，何名何莫愁。

夜來樂

紅羅複帳金塗蘇華燈九枝懸鯉魚麗人映月開銅
鋪春水滴酒猩猩沽重一篋香十株赤金子兼雜
麩五絲封青鳧阿侯此笑千萬餘南軒漢轉簾影疎
桐林啞啞挾子烏劍崖鞭節青石珠白駒吹湍凝霜
鬚漏長送珮承胡盧倡樓峩我明月孤新客下馬故
客太綠蟬秀黛重拂梳

五絲封青鳧一作五色綠封
青鳧一作五色綠封青玉鳧

嘲雪

昨日發葱嶺今朝下蘭渚喜從千里來亂笑含春語
一作龍沙溼漢旗鳳扇迎秦素久別遼城鶴毛衣已應
故

春懷引

芳蹊密影成花洞柳結濃煙花帶重蟾蜍碾玉挂明
弓捍撥裘金打仙鳳寶枕垂雲選春夢鈿合碧寒龍
腦凍阿侯繫錦覓周郎憑仗東風好相送

白帟行

火烏日暗崩騰雲秦王席視蒼生群燒書滅國無暇
日鑄劍佩缺惟將軍玉壇設醮思冲天一世二世當
萬季燒丹未得不死藥拏舟海上尋神仙鯨魚張鬣
海波沸畊人半作征人鬼雄豪氣猛如燄燿無人爲
決天河水誰最苦兮誰最苦報人義士深相許漸離
擊筑荆卿歌荆卿把酒燕丹語劍如霜兮膽如鐵出
燕城兮望秦月天授秦封祚未一作移衰龍衣點荆卿血
朱旗卓地白帟歿漢皇知是真天子

有所思

去年陌上歌離曲今日君書遠遊蜀簾外花開二月
風臺肯淚滴千行竹琴心与妾腸此夜斷還續想君
白馬懸雕弓世間何處無春風君心未肯鎮如石妾
顏不久如花紅瘦殘高碧橫長河河上無梁空白波
鹵蜃未起悲龍梭季季織素攢雙蛾江山迢遞無休
絕淚眼看鐙乍明滅自從孤館深鎖窗桂花幾度圓
還缺鷓鴣向曉鳴森木蜃過池塘響鼓玉白日蕭條
夢不成橋南更問仙人卜

啁少季

青驄馬肥金鞍光龍腦入縷羅衫香美人狹座飛瓊
觴貧人喚云天上郎別起高樓臨碧篠絲曳紅鱗出

溪沼有時半醉百花肯背把金丸落飛鳥自說生來
未爲客一身美妾過三百豈知劓地種苗家官稅頻
催勿人織長得積玉誇豪毅每揖閔人多意氣生來
不讀半行書只把黃金買身貴少季安得長少季海
波尚變爲桑田榮枯遞傳急如箭天公不肯於公偏
莫道韶華鎮長在髮白面皺專相待

高平縣東私路

侵侵榭葉香木花滯寒雨今夕山上秋永謝無人處
石磯遠荒澀棠實懸辛苦古者定幽尋呼君作私路

神仙曲

碧峰海面藏靈書上帝揀作神仙居清明笑語聞空
虛鬪乘巨浪騎鯨魚春羅書字邀王母芙蓉紅樓最

溪處鶴羽衝風過海遲不如却使青龍太猶疑王母
不相許幽露娃鬟更傳語

龍夜吟

鬢髮胡兒眼睛綠高樓夜靜吹橫竹一轂侶向天上
來月下美人望鄉哭直排七點星藏指暗合清風調
宮徵蜀湔秋深雲滿林湘江半夜龍驚起玉堂美人
邊塞情碧窗皓月愁中聽寒砧能擣百尺練粉淚凝
珠滴紅線胡兒莫作隴頭吟隔牕暗結愁人心

崑崙使者

崑崙使者無消息茂陵煙樹生愁色金盤玉露自淋
漓元氣茫茫收不得麒麟背上石文裂虬龍鱗下紅
枝折何處偏傷萬國心中天疲久高明月

白門肯

白門肯大樓喜懸虹雲撻龍尾劍匣破舞蛟龍蚩尤
歿鼓龍蓬一作蓬蓬天齊慶雷隨地無驚飛海千里

漢唐姬飲酒歌

御服沾霜露天衢長綦棘金隱秋塵姿無人爲帶飾
玉堂歌嚴寢芳林煙樹隔雲陽臺上歌鬼哭復何益
鐵劍一作常光光至兇威屢逼彊梟噬母心犇厲索人魄
相看兩相泣淚下如波激寧用清酒爲欲作黃泉客
一作不說玉山頹且無飲中色勉從天帝訴天上寡沉
厄無處張總帷如何望松柏妾身畫團團君魂夜寐
寐蛾眉自覺長頸粉誰憐白矜持昭陽意不肯看南

陌

聽穎師琴歌

別浦雲歸桂花渚蜀國絃中雙鳳語芙蓉葉落秋鸞
離越王夜起遊天姥暗珮清臣敲水玉渡海蛾眉牽
一作白鹿誰看挾劍赴長橋誰看浸髮鬪春竹竺僧岸
立當吾門梵宮真相眉稜尊古琴大軫長八尺嶧陽
老樹非桐孫涼館聞絃驚病客藥囊暫別龍鬚席
請歌直一作當請卿相歌奉禮官卑復何益

謠俗

上林胡蝶小試伴漢家君書作飛向南城去誤落石榴羣
脈脈花滿樹翩翩燕遠雲出門不識路羞問陌頭人
右李長吉集外詩二十三篇南國一篇第一卷所脫
感諷六篇第二卷所脫餘十六篇當附於第四卷

後賀鑄氏得於梁鐸氏大觀戊子冬居吳門并取
諸本手爲較定鮑欽止書

余韶季苾莊樂舅氏流憩月中見李長吉詩會稽
本誦之不能釋手句之而題廿季來出入裋袖敝
若砌葑腐艸但病其評注多雜眩真復齋園園職
識之起繼獲臨安陳氏本如勉愛行二首離爲三
首神絃別曲神絃曲神絃三處合編一處詮次倒
奠又如空白疑雲遏不流誤作空山凝雲杜若已
老蘭茗春誤作繭茗春泣露嬌啼色誤作帝色向
鐸印孤蹤誤作孤蹤云一一釐正既而復見鮑
欽止手定本無論白門前大樓喜一篇得未曾齋
如碧玉破不復陳本作破瓜後柳臉半眠丞相對


陳本作桺陰之類雖同是宋版不啻涇渭之迴別
第摩多樓子作棲子試伴漢家君佐漢家書此又
鮑本白璧微瑕矣倘古破錦囊中所藏不遭混中
之厄盡出鮑氏手眼李藩侍郎不稱大快耶琴川
毛晉識

据杜牧之敘云歌詩離爲四編凡二百二十三首
今攷鮑欽止手定本四卷所載共二百二十首又
集外詩二十三首已多二十首矣何流傳至此宋
大觀戊子冬者反多於唐太和五年冬沈子明授
杜牧之者耶豈賀鑄氏得于梁鐸氏者或胥贗鼎
耶抑廁鬼有靈復爾流布人間耶毛晉又識


集外詩終

唐書本傳

吳融字子華越州山陰人祖翥有名大中時觀察使
召以署吏不應帥高其槩言諸朝賜號文簡先生融
學自力富辭調龍紀初及進士第韋昭度討蜀表掌
書記遷累侍御史坐累去官流浪荆南依成汭久之
召爲左補闕以禮部郎中爲翰林學士拜中書舍人
昭宗反正御南闕群臣稱賀融最先至于時左右歡
駭帝有指授壘十許豪融跪作詔少選成語當意詳
帝咨賞良厚進戶部侍郎鳳翔劫遷融不克從去客
閩鄉俄召還翰林遷承旨卒官



國家圖書館, NATIONAL CENTRAL LIBRARY, TAIWAN, R.O.C.



正本